

黃恭十四州記

金谿王 謨仁甫輯



秦兼天下始皇二十六年廢五等之爵立郡縣之官以公國爲大侯伯爲小大郡曰守小郡曰尉郡之言君也故公侯之封而言君者至尊也郡守專權君臣之禮彌崇上四句從水經注補今郡字君在其左邑在右君爲元首邑以載民故取名於君而謂之郡也類聚縣萬戶以上爲令則子國也千戶爲長則男國也今人呼縣爲百里之男本方百里也故言今之百里古

漢魏遺書鈔 十四州記

之諸侯御覽

縣弦也弦以貞直言下體之居鄰民之位不輕其誓施繩用法不曲如弦弦聲近縣故以取名今懸字在

半也水經注

秦兼天下改附庸爲鄉則有族今嗇夫是也鄉之言境言其人境域內非天王所置故言鄉

秦兼天下改州牧爲刺史朱明之時則出巡行州部元英之月則遷諸天府表奏刺史言其刺舉不法史者使也言爲天子所使也並御覽

按水經注引此書本作黃義仲十四州記藝文類聚乃作苗恭十四州記又別有苗恭交廣記御覽始作黃恭十四州記人名書名俱參差不合今攷諸書所引如應劭十三州記闕駟十三州志皆據兩漢地制至三國吳時始分交州置廣州故爲十四州黃恭宜卽廣州人其作記多在晉初故得合并交廣爲十四州又析而爲交廣記也水經注作黃義仲意卽恭之字類聚以黃苗二字形似并訛其姓固當從御覽作黃恭十四州記爲正而隋唐志俱不載今特鈔出水經注一條類聚一條御覽三條

叙錄

唐志張勃吳地記一卷

史記索隱曰張勃晉人吳鴻臚儼之子作吳錄故裴氏史記注引之

按此吳地記乃張勃吳錄中所記三國吳時州郡理理故得極之蒼梧九真日南交趾與顧夷董覽陸道瞻諸人專記吳中山川土物者不同書本三十卷由全書已亡隋志故不著錄按隋志於正史云晉有張勃吳錄三十卷云後人或得其地志一卷遂以傳世

漢魏遺書鈔

吳地理志序錄

一

非別有吳地記也諸書引入地理或祇稱吳錄或兼稱吳錄地理志今故仍據以為本並采而輯之以列於晉地道記之前凡共鈔出尚書釋文一條春秋正義一條史記注解一條正義一條索隱三條三國志注五條宋書州郡志二條水經注一條齊民要術六條文選注三條類聚八條初學記六條書鈔一條白帖一條續博物志一條御覽三十三條寰宇記十四條

張勃吳地理志

青浦吳邦基勿軒參

金谿王 謨仁甫輯

書云三江既入震澤底定震澤吳西南大湖也

類聚

彭蠡今名洞庭湖

尚書釋文

五湖者大湖之別名以其周行五百餘里故以五湖

為名

初學記

茅山本名苗山一名覆釜禹會諸侯計功故曰會稽

史記索隱

漢魏遺書鈔

吳地理志

二

伍子胥乞食處在丹陽溧陽縣

史記注

吳王夫差移於建康之宮南門有雙鶴從鼓中而飛

上入雲中

初學記

吳王築城以貯醯醢今俗人呼若酒城

御覽

吳王殺子胥投之於江吳人立祠於江上因名胥山

寰宇記

胥山在大湖邊去江不百里

水經注

秦柱山一名望山昔始皇登此臺而望海緣以為名

於潛縣西晉山蓋因山以立名故晉字無水

朱方後名谷陽春望氣老云其地有天子氣始皇使

赭衣徒三千人鑿長坑敗其勢故云丹徒並寰宇記

會稽有禹廟始皇配食王朗為太守而斥之御覽

丹徒有吳王家在縣北其處名為相唐史記正義又索隱引張勃

云吳王渎葬丹徒縣南

漢書閩越圍東甌東甌告急於天子天子遣大中

大夫嚴助發兵往救東甌東甌乃舉國徙中國處之江

淮間而遺人往往漸出乃以東甌地為回浦縣御覽

治縣閩越王治鑄地故曰安閩王治此不應偏以受

漢魏遺書鈔

吳地理志

三

名蓋是勾踐冶鑄之所故謂之冶閩中有山名湛疑

湛山之鑪鑄劍為湛盧也後分為會稽東南二部都

尉東部臨海是也南部建安是也宋書州郡志

堅墓上數有光如雲氣五色上屬天書鈔引此云孫氏墓漢末數有

光如五色雲氣屬天下蔓延數里父老相謂曰此非凡氣孫氏

其興乎類聚

浙江經富陽縣前過江中有沙漲吳武烈帝為郡吏

赴府鄉人餞之會於沙上父老曰此沙狹而長君其

為長沙太守乎後果如父老之言因於長沙起兵為

吳始祖遂名此沙為孫洲

寰宇記

張紘言於孫權曰秣陵楚武王所置名為金陵秦始皇

皇時望氣者云金陵有王者氣故掘斷連岡改名秣

陵文選注引止此有別小江可以貯船宜為都邑劉先主勸

都之自京遷都焉

劉先主曾使諸葛亮至京因觀秣陵山阜歎曰鍾山

龍盤石頭虎踞帝王之宅

並御覽

魏文帝至廣陵臨江觀兵見波濤洶湧歎曰此固天

之所以限南北也遂歸

類聚

漢魏遺書鈔

吳地理志

四

蜀昭烈皇帝立宜都縣於西陵即夷陵也

宋書州郡志引吳錄

劉備分南郡立宜都

在吳蜀之界吳得之頗為重鎮故大將軍

陸遜上疏曰夷陵要害國之關限若失之非徒損一

郡之地荆州亦可憂也

寰宇記

建安十三年孫權分歙為始新新定黎陽休陽縣晉

改新定為遂安休寧為海寧

吳志注

勾容縣大皇時使陳勳鑿開水道立十二埭以通吳

會諸郡故船行不復由京口

御覽

黔陽屬武陵郡今辰州三亭縣西黔陽故城即漢之

黔陽縣城也

景帝時戍將於廣陵掘諸冢墓取板磚以城新壞甚

多御覽

將樂縣屬建安郡初學記

潯陽縣屬武昌

嘉興吳王時本名長水秦改爲由拳

富陽縣本漢富春縣也屬吳郡晉康帝太元中避簡

文鄭太后諱改富陽縣並寰宇記

黃武四年置東安郡治富春吳志注

漢魏書鈔吳地理志

五

孫休永安三年分合浦立爲合浦北部都尉領半山

興道寧浦三縣晉又分平山爲始定寧浦爲濶陽宋書

州郡志○寰宇記引此云吳以合浦北部爲寧浦郡

贛縣屬廬陵郡

陽都縣屬陵郡之南部晉武帝改爲寧都

南安縣屬廬陵郡南部都尉並寰宇記

南野縣有大庾山九嶺嶠以通廣州御覽

臨水晉改爲臨安

羅陽今安固縣

永安今武康縣並吳志注

富陽浦濮宋為吳縣於津吳大帝時有浦通浙江至廬溪故曰桐廬縣東有大溪注廬口

永康有石城山

括蒼山登之俯視雲雨並御覽

雷池在皖

巴陵縣有青草湖並文選注

南陽郡一歲蠶八織御覽

零陵縣有溫泉

漢魏書鈔吳地理志

六

天門零陵縣有溪水山獸從十里往飲下有缺文

桂陽郴縣有青茅可染布零陵有香茅任土貢之並類聚

始安始陽有洞山山有穴如洞庭其中生石鍾乳

始興有始興山出溫泉可以淪雞並御覽

始興有扶留藤緣木而生味辛可以食檳榔齊民要術

始興曲江縣有篔簹竹圍尺五寸節相去六尺夷人

以為布葛御覽

湘東新平縣有龍穴中有黑土天旱人共過水清此

穴輒雨常以此請雨白帖

湘東鄱縣有鄱水土人以水為酒其湖周匝四十三

里書鈔○文選注引此云湘州鄱陵縣水以作酒為名

吳興烏程縣若下酒有名文選注

長城若下酒有名谿南曰上若北曰下若並有村村

人取若下酒以釀酒醇美勝雲陽初學記

宜春縣出美酒每歲上貢封酒親付計吏御覽

臨海縣海水中生江離正青似亂髮即離騷所云者

是也史記索隱

漢魏遺書鈔 吳地理志

松梁山山石間開處容數十丈其高以弩射之不及

其上初學記○御覽引此下云在禮州

武陵沅南縣以南皆有犀春秋疏

武陵臨沅縣多栢欄木生山中

廬陵南部雩都縣有楝樹其實如甘蕉而核味亦如

之並御覽

建安有橘冬月樹上覆裹明年夏月變青黑其味甚

甘美史記索隱○御覽引此云朱光祿為建安郡中庭有橘冬月樹上覆裹之至明年暮春初夏色

變青黑味尤絕美

建安陽縣多狝似猿而露鼻孔郡內及臨海皆有之

御覽

彭澤有鳥接食團飯投之高下無失

初學記引作有鳥接丸行者以

丸飯

巫山迎船鳥亦然

續博物志

常山仙人採藥處謂之長山山南有春草巖折竹巖

巖門不生蔓草盡出龍鬚云赤松子羽化之處有似

龍鬚而龕大者名爲虎鬚不甲爲蓆但以其蓆爲燈

炷御覽

剡縣有天姥山

文選注引作天姥岑

傳云登者聞天姥歌謠之

漢魏遺書鈔 吳地理志

八

響

鹽官本名海昌時改爲鹽官屬吳郡

並寰宇記

嶺南盧賓縣漲海中玳瑁似龜而大

番禺縣有禺山尉佗所葬

並御覽

滇石山滇水所出尉佗爲城於此山上名萬人城

寰宇記

記

蒼梧多荔枝生山中人家亦種之

類聚

蒼梧高安縣郡下人避瘴氣乘筏來停此六月來十

月去歲歲如此

御覽

端谿有端山山有五色石石上多香水初學記○寰宇記引此云

端州有端谿石山有五色香水

鬱林郡有布山多蛇毒有冷石御覽引此云鬱林布山縣多虺其毒殺人

有冷石可色赤黑味苦屑此石着創中似初齒立蘓以解之

一名初齒類聚

合浦徐聞縣多牛其頂上有特骨大如覆斗日行三百里

高涼安寧縣有餘甘初食之甚苦後口中更甘

合浦朱虛縣有山雞黑色樹棲

漢魏遺書鈔吳地理志

九

朱崖珠光縣出明月珠

交趾龍編縣有蠶形如惠文冠青黑色十二足似蟹長五寸腹中有子如麻子取以作醬尤美

交趾羸陵縣有劉子樹出山中實如梨而味酸美郡內皆有之

交趾勾扇縣後漢志甘蔗大數寸其味醇美異於他

作苟漏處竿以為錫曝之凝如冰破如博碁入口消腐

交趾朱載縣有檳榔樹直無枝條高六七丈葉大如蓮實房得古賁灰扶留藤之之則柔而美郡內及九

真日南並有之

交趾南海縣出桃榔中有米屑如麵

並御覽

交趾定安縣有木棉樹高大實如酒杯中有綿如絲之綿又可作布名曰縹一名毛布

交趾有欖樹其皮中有如白米屑者乾擣之以水淋之似麵可作餅郡內皆有之

日南有築竹勁利為矛

鄱陽有笋竹冬月生

孫皎時有鬼目菜生土人黃耆家椽棗樹長丈餘葉

漢魏遺書鈔

吳地理志

十

廣四寸厚三分

並齊民要術

潯陽有青林湖鯽魚大二丈餘食之肥美可以已寒

御覽

象林海中有小洲生柔金自南北行三十里有西屬

國人自稱漢子孫有銅柱漢之疆場之表

初學記

銅陵縣晉立梅塘冶之作鐵冶出青鐵其色特妙於

廣州縣南十里山出銅以供梅根監兼出銅礬礦逐

年取掘送納縣西南即古監之所

寰宇記

王隱晉地道記

南城鄧 暄葵鄉參

金谿王 謨仁甫輯

泉陵縣北部東五里有鼻墟象所封也

寰宇記引此
下云山下有

象廟言甚有
靈能興雲雨

河陽有窮谷蓋本有窮氏所遷也

中水縣屬河間

廣縣在東莞

陽都屬琅琊

漢魏遺書鈔

晉地道記

蒯城屬北地

厭次屬平原

平州屬巴郡

戚屬東海

鄭州陽武縣有博浪沙

御覽引此云陽武榮陽有博
浪沙張良為韓擊秦始皇處

東萊掖縣有過鄉北有過城是古之過國也

並史
記注

王城去洛城四十里

河南有蒯鄉在縣西南有蒯亭

訾城在穀城縣之東

坎埒聚在縣南

汲有銅關

咸山在安邑南

楊縣有梁城去縣五十里叔嚮邑也

寰宇記引此云楊故楊侯國晉

滅之以賜大夫羊舌肸漢以為縣屬河東郡

鐵縣有堯城

左傳文十三年唐嘉處瑕在猗氏縣東北

晉武公曲沃徙襄陽

伊水東北入雒

漢魏遺書鈔

晉書地理志

二

桃林縣西長城是潼關也

寰宇記引此云漢宏農本函谷關有桃林也

大華山在華陽縣西南

霸陵在霸水西

藍田有虎候山

池陽有轂薛山在北有鬼谷生三所氏

漆水在美陽縣西

陽翟去洛陽二百八十六里屬河南

定陵縣高陵山汝水所出

長社本長葛以社中樹暴長漢改名

潁水出陽乾山

汝陰有陶邱鄉詩所謂汝墳

項縣有公路城袁術所築

吳房縣有吳城

新蔡縣故呂侯國

梁孝王築城十三里小鼓唱節杵下而和之稱睢陽
曲

昭二十二年禦諸橫橫亭在睢陽縣南

沛有許城左傳定八年鄭伐許

漢魏遺書鈔

晉地道記

三

豐縣去沛國二百六十州六百雒千二十五里

隱二年人向城在龍亢縣東南

昭八年大蒐於紅謂沛國紅縣

苦縣城南三十里有平城

五父衢在魯國城東

薛本國夏車正奚仲所封冢在城南二十里山上

桓十二年盟曲池臨淄縣西南門曰曲門其側有池

元城縣南有瑣陽城

元氏縣有石塞三公塞

房子縣有礫塞中谷塞

望都縣有馬安關

水經注引此云望都縣有委粟關馬溺關

自上曲陽縣北行四百二十五里恒多山阪名飛狐

口史記正義引此云恒山在上曲陽縣西北百四十一里北行四百五十里得恒山吸號飛狐口此別代

郡也

蒲陰有陽安關

水經注引作安陽關

陽城蒲陽山蒲水出也

清河靈縣有鳴犢河

中邱縣有石門塞燒梁關

浚儀本大梁儀封人此縣也

漢魏遺書鈔 晉地道記

四

承匡城在襄邑縣西

御覽引此云云左傳文十一年會晉卻缺于承匡是也

秦亭在范縣西北

壽張有蚩尤祠狗城

湖陸縣西有費亭城魏武帝初所封

金鄉縣多山所治名金山山北有鑿石為冢深十餘

丈隧長三十丈旁却入為室三方云得白兔不葬更

葬南口鑿而得金故曰金山故冢今在或云漢昌邑

所作或云秦時

成武縣有柘城

蘭陵有次室亭故魯次室邑

贛榆縣海中去岸百九十步有秦始皇碑長一丈八

尺廣五尺厚八尺三寸

初學記引此云海中去岸百五十步有秦始皇碑濶五尺

厚三尺一行十三字潮水至加其上三丈去則三尺

見也

射陽有博六湖

平原有篤馬河

臨濟本狄伐衛懿公者

鄆城在都昌縣西

漢魏遺書鈔

晉地道記

五

安邱有渠邱城

東安平有羗頭山

養澤在下密縣西幽州藪有萊山萊王祠

東萊郡黃縣東二百三十里至海中連岑有土道秦

始皇祭此山刻二碑東二百三十里有始皇漢武帝

二碑

愷縣有口校萊君祠

臨朐縣有石高山

邾縣楚滅邾徙其君此城

縣竹縣有柴炭山縣水之所出焉

梓潼縣五婦山馳水所出

建安二十二年劉備以為郡

牂柯郡故且蘭有沈水

營縣不狼山營水所出

句町縣有交水

麋水西受徼外東至麋冷入尚龍谿

鹽池澤在姑復縣南

勝休縣有大河水東至毋撮入橋水

漢魏遺書鈔

晉地道記

六

賁古南島出錫

毋撮縣有橋水出橋山

同瀨縣銅虜山米水所出

水經注作銅瀨縣談虜山米水作迷水朱謀埴箋引

作同虜山

栢棟縣連山無血水所出

弔鳥山有澤在栢榆縣東

三危山在隴西三苗所處

朱謀埴水經箋引此下云故有苗谷路史引此云鳥

鼠同穴西有三危山三苗所處

武都河池縣有泉街水

烏水出烏枝縣龍池山

泥水出郁郅北蠻中姑臧南山谷水所出

倉松縣南山松陝水所出

猛陵縣龍山合水所出

羸陵縣南越侯織在此並後漢書注

大夏縣有禹廟禹所出也

京兆胡縣

曹陽亭在宏農縣東十三里其水西北流入於河

子推逃隱於介山

漢魏遺書鈔

晉地道記

七

西河有中陽縣舊縣也

晉水出龍山一云水結紉山在縣西北

濟自大伾入河與河水鬪南洑為滎澤初學記引此云濟自大伾

入河與河水鬪而東流大伾成臯古成臯兼包鞏縣

之界御覽引此下云溢出為滎水東流過陽武及封

邱縣又東過黨胸縣南至定陶縣南又東北流與荷

水會東至乘氏縣西分為二其一東北流入鉅野澤

過壽張西而與汶水合又北過穀城縣西又東北過

廬縣經濟郡東萊郡而入海也尚書稱導沈水東

會于汶又北東入于海是也

河汶為滎濟水受焉故有濟隄為北濟也

京有大索小索亭漢書京索之間也

丹水縣有大行關丹谿爲關之東谷途自此去不復由關矣

朝歌本洙邑也詩云爰采唐矣洙之鄉矣殷王武丁始遷居之爲殷都口禹貢紂都在冀州大陸之野卽此矣有糟邱酒池之事焉有新聲靡樂號邑朝歌

樂陵國有新樂縣卽此城矣

肥鄉縣太康中立以隸廣平也

鴻上關

都在谷之頭故因以上谷名焉

漢魏遺書鈔

晉地道記

八

安樂縣晉封劉禪爲公國

遼西人見遼水有浮棺欲破之語曰我孤竹君也汝破我何爲因爲立祠焉

惠帝使校尉陳繼仲元詣洛陽山請雨總盡除小祀唯存大石而祈之七日大雨

新興縣南安之屬縣也

雍縣西號地也

西鄭友之始封

嶢關在上洛縣西北

天水始昌縣故城西也亦曰清崖峽西
郡在洛上故以爲名

襄城楚靈王築

翟本櫟也故潁川郡治也城西有郭奉孝碑水側有
九山祠碑叢柏猶茂北枕川流

路史引此云櫟翟也
今許之陽翟莊公城

櫟寘
子元

賈逵祠在小城北

漸欲平今不知所在矣

淮陽城北有故沙名之爲死沙

漢魏遺書鈔

晉地道記

九

犂北有谷水

廩邛者春秋之所謂齊邑實大東海者也竹書紀年
晉烈公十一年田悼子卒田布殺其大夫公孫公孫
以廩邛叛於趙田布圍廩邛翟角趙孔屑韓師救廩
邛及田布戰於龍賊田布敗遁是也

孔子葬於魯城北泗水上今泗水南有夫子冢
仲虺城在薛城西三十里

義陽郡

宜都郡

雩婁在安豐縣之西南

陶朱冢在華容縣樹碑云是越之范蠡

安豐縣安豐郡之屬縣也俗名之曰安城矣

入湯口四十三里有石煮以為鹽石大者如升小者

如拳煮之水竭鹽成蓋蜀火井之倫水火相得乃佳

矣湯谿下與檀谿水合上承巴渠水巴渠南歷檀井

谿之檀井水下入湯水湯水南入於江名曰湯口

西陽郡弦子國

梁州南至桓水西底黑水東限扞關今漢中巴郡汶

漢魏遺書鈔

晉地道記

十

山蜀郡漢嘉江陽朱提涪陵陰平廣漢新都梓潼犍

為武都上庸魏興新城皆古梁州之地

魏興郡

朱謀埜箋引晉興地志魏興郡六縣有洵陽而無興陽

蜀置涪陵郡領縣五晉因之

箋引晉地志

牂牁治宛溫縣

臨賀郡吳置統縣六曰臨賀謝沐馮乘封陽興安富

川

箋引晉地理志

日南郡去盧容浦口二百里故秦象林郡象林縣治

也永和五年征西桓溫遣督護滕駿率交廣兵伐范

文於舊日南之盧容縣爲文所敗卽是處也

九德郡有浦陽縣九德縣南陵縣

九真郡有松原縣

朱吾縣屬日郡去郡二百里

高要縣東去郡五百里刺史夏避毒徙縣水居也縣有鵠奔亭

泉陵縣有香茅氣甚芬香言貢之以縮酒也

漢末博士燉煌侯瑾善內學語弟子曰涼州城西泉水當竭有覆闕其上至魏嘉平中武威太守條茂起

漢魏遺書鈔

晉地理記

上

學舍築闕於此泉太守填水造起門樓與學闕相望泉源徙發重導於斯故有靈淵之名

涼州有龍形故曰卧龍城南北七里東西三里本匈奴所築

類聚引此云涼州城有卧龍形故名卧龍城南北七十里東西三十里本匈奴所築也

乃張氏之世居也又增築四城箱各千步東城植園

果命曰講武場北城植園果命曰元武圃皆有宮殿

中城內作四時宮隨節遊幸并舊城爲五街衢相通

二十二門大繕宮殿觀閣采綺妝節擬中夏也

並水經注

陽夏惠帝永康中復立

漢中孝武太元十五年梁州刺史周表立

武帝太康元年改上庸之廣昌為庸昌二年省

晉壽郡孝武太元十五年梁州刺史周馥表立

南漢中孝武太元十五年梁州刺史周瓊表立

漢興屬興古郡

並宋書

荀晞曰淮陽之地阻塗山南枕靈嶽

惠帝以燉煌地濶遠分立晉昌郡

晉昌護匈奴中郎將別領戶

並文選注

沂陽縣屬秦國吳山在西

漢魏遺書鈔

晉地道記

主

雷首山一名滌山

清河國凡領清河等六縣

蘭池縣屬隴西郡

宜春縣出美酒隨歲貢上

寰宇記引此云宜春美酒隋歲舉上供刺史親付計

吏○並初學記

舜以冀州南北廣大分燕北地為幽州

幽州因幽都

寰宇記作幽都山

以為名

路史引此云顯頊之虛在幽州

長垣古衛故匡城地孔子所厄處也

漢陽有大阪名隴坻亦曰隴山御處其西故曰隴西

其山推旁崩聲聞數百里揚雄所謂響若坻頽是也
並御覽○此條多覽字尚須查攷

陳城西南角有淮陽城漢淮陽縣國城也

省釐以併郡蓋取釐之南境渭之南以併郡非省縣也

蓮勺縣屬馮翊

郁夷省併郿蓋因王莽之亂郁夷之人權寄理郿界因併於郿

少山卽太谷水衍出經初縣界

漢魏遺書鈔

晉地道記

三

樂平東南有夷儀道通襄國夷儀山在城北故塞改阜邑爲阜城

易縣漢故安縣屬范陽國

軍都縣屬燕國

太康中以零都顛南埜等縣割爲南康郡而廬陵百姓去管遙遠乃移郡於石陽縣

潯陽南開六道途通五嶺北導長江遠行岷漢來商納賈亦一都會也

漢明帝時歷陽淪爲麻湖亦古歷陽城之城地在縣

西三十里源出桑山

並寰宇記

孤竹在肥如南十二里秦之離支縣漢令支也

大陰下有釣臺彼俗謂之臺陂

並路史

鄱陽樂安出黃金鑿土十餘丈披沙之中所得者大

如豆小如粟米

南海象林南有四國皆漢人貢金供稅

並初學記

按此地道記乃王隱晉書中篇目與諸家專記地

理書不同故隋唐志俱不著錄王隱爵里事迹已

見別史叙錄故不具令並鈔出史記注十一條後

漢魏遺書鈔

晉地道記

西

漢書注八十四條宋書州郡志六條水經注五十

四條文選注三條初學記七條御覽四條寰宇記

十二條路史二條



周地圖記

宜黃應先烈未堂參

金谿王 謨仁甫輯

南渡老子水登巴嶺山南面記大江此南是古巴國

因以為名

史記正義
引周地志

後魏於南郭城中置南陽郡

臨洮郡城後魏太和中築置夷城鎮宅羗要路

並初學記

郁郅城今名尉季城在白馬嶺兩川交口

梁武陵王蕭紀於蒲水口改置邛州南郡邛來山因

漢魏遺書鈔

周地圖記

以為名

油江郡楊李二姓各自稱藩於梁至後魏武帝得其

地置油江郡西魏於此立隴州

晉義熙末刺史朱齡石率建平人征蜀於東山立

金戍後魏平蜀改為金水郡

梁武帝太清二年武陵王蕭紀開通外水立青州於

通郡南安縣北後魏二年平蜀三年改青州為眉州

用峨眉山為名

後魏廢帝二年於武康郡之陽安縣置資州

順政郡丙穴

一引此云郡有丙山山有穴即丙穴

以其口向丙因以為

名沮水經穴間而過或謂之大丙水每春三月上旬

復有魚長八九寸或二三日聯綿從穴出躍相傳名

為嘉魚

一引此下云左太冲蜀都賦曰嘉魚出丙穴

初武陵溪蠻人射鹿

逐入一石穴穴方可容人蠻人如穴見有梯在其傍

因上梯豁然開朗桑果藹然行人翱翔不似戎境此

蠻乃批樹記之其後莫知所處

後漢廢帝置同昌郡屬封統郡

武帝天和四年割巴州之伏虞郡隆州之地於此置

漢魏遺書鈔

周地圖記

二

蓬州

湖陽縣光武所封外祖樊重邑

光武封姊為湖陽公主

隴山高處可三四里登山東望秦州可五百里目極

泯然墟宇桑梓與雲霞一色其上有懸溜吐於山中

為澄潭名曰萬石潭流溢散下皆注於渭東人西役

升此而望故鄉莫不悲思其歌云隴頭泉水流離西

下念我行役飄然曠野登高望遠流洎雙墮是此山

也

九隴山昔有神人坐張掖西方山上西射酒泉郡西
金山之白神射得九籌畫此山上遂成九隴因以爲

名並御覽

周山下有周谷本周之采地也

魏賈逵爲令時縣理蠡城

城西北角河水中涌沸方數十丈聲聞數里俗云石
季龍載銅翁仲所沒處水灘漲減翁仲頭髮長與水
齊晉劉裕軍至髻忽沒至今不復出史記云秦始皇
鑄金人十二董卓毀其九爲錢其在者三魏明帝欲
徙於洛陽重不可勝至灞水西停之石虎取置鄴宮
至苻堅又徙長安其一未至而苻氏亂百姓推置陝
北河中於是金狄滅矣

後魏太和十一年分陝縣東界於治壚置峭縣在治
之郊屬宏農取峭山爲名

後周明帝二年分長安霸城及姚興所置山北三縣
地始於長安城中置萬年縣理八角街以東屬京兆
尹取漢舊縣名也

郿縣太白山上恒積雪無草木山半有橫雲如瀑布

則澍雨人常以爲候驗之如離畢焉故曰南山瀑布
非朝卽暮

陳倉縣晉末廢苻姚時於縣界置苑川縣後魏大統
十六年移苑川縣入漢陳倉故城復爲陳倉縣

明帝孝昌三年蕭寶夤逆亂關右鴻賓立義柵以捍
賊永安元年於此置北雍州以洪賓爲刺史故俗呼
爲洪賓柵其年又割北地郡之三原縣於此置建忠
郡屬北雍州

汧源縣隴山高處可容百餘家

漢魏遺書鈔

周地圖記

四

西王母祠王母乘五色雲降於漢武其後帝巡郡國
望彩雲以祠之而雲五色屢見於此漢書上之□□
□□也因立祠焉每水旱百姓祈禱時有驗

鶉觚縣者秦使太子扶蘇及蒙恬築長城見此平原
水淺因欲築城遂以觚爵奠祭乃有鶉鳥飛升觚上

以爲靈異因以名縣

御覽引此云秦使蒙恬北築長城又於北原築城以觚奠酒而

祭有鶉飛止觚上因以名縣今鶉觚原

後魏孝明帝熙平二年析鶉觚縣置東陰盤縣廢帝
元年以縣南臨宜祿川又改爲宜祿縣屬隨平郡隸

涇州

鶉觚縣屬平涼郡天寶元年八月改爲靈臺縣理卽古密國之地

襄樂縣文帝大統十六年置燕州因築此城後周屬北地郡

姚萇時立節將軍楊班居黃梁谷其谷西有小谷由來無水夜中忽有人語就班借車牛十具云欲移徙我是秋神尋則聲絕班卽備車牛十具云門前至明車濕牛汗乃尋車轍至乾谷忽有水方二百餘步其

漢魏遺書鈔

周地圖記

五

水極深不可測冬亦湛然每水旱祈禱有應

梁天寶三年武陵王蕭紀僭號於蜀西魏廢帝二年平蜀二十一州並入於魏

成都城初張儀築城城屢壞不能立忽有大龜周行旋走巫言依龜行處築之城乃得立所掘處成大池龜乃伏於中每出則州境有賊刺史病之

溫江縣本漢郫縣地後魏於此置溫江縣屬蜀郡

白鹿山宋元嘉九年有樵人於山左見羣鹿引弓將射之有一麕所趨險絕進入石穴行數十步則豁然

平曠邑屋連接阡陌周通問是何所有人答云是小成都後往尋之不知所在

葛瓚山上有葛永瓚祠永瓚學道於此山

東武山有池出白蓴冬夏帶絲肥美爲一州最是諸葛萊也

通靈山上有通靈寺因名之

武帝天和四年改齊居爲青城縣因山爲名

彭山縣北四里有治水西有繫龍橋仙人瞿君乘龍從峨眉山來往以龍繫橋

漢魏遺書鈔

周地圖記

六

富樂山甚高廣爲衆山之秀登之望見州內

武連縣南有治山縣人張逸皆梁附魏與梁將楊乾運於此山下大戰大破乾運死者千人恭帝元年收

骸骨併爲一墓死者凡五郡人因改治山爲五郡山

梁置梁安縣屬南梁州武帝天和中改爲黃安縣

晉孝武帝太元中益州刺史毛璩置西城戍以爲扞防周閔武帝元年又於此置陵州因陵井爲名

仁壽縣本漢武陽縣之東境後魏定蜀於此置普寧

縣屬懷仁郡

蒲亭縣有鐵山諸葛亮取爲刀器周封宇文度爲鐵山侯

漢司馬相如故宅在相如縣南二十里其地有相如

坪相傳云相如別業在此宅右西濱漢水聚薄鬱然

其臺名相如琴臺高六尺周四十四步御覽引此云相如縣有相

如坪相如故宅因以名縣

靈山峯多雜樹昔蜀王鼈靈帝登此因名靈山山東

南有五女擣練石山頂有池常清有洞穴絕微有一

小徑通舊靈山

漢魏遺書鈔 周地圖記

七

嘉陵水源出秦州嘉陵因名嘉陵經閬中卽閬中水

靈臺山一名天柱山漢末張道陵在此學道使弟子

王長趙昇投身絕壑以取仙桃長等七試已訖九丹

遂成隨陵白日昇天

涪陵均堤東十三里有石門門東有石鼓清晨扣之

聲遠初學記引此云江中有銅柱灘又均堤東十三里至石門東有石鼓

涪陵江中有銅柱灘昔人於此維舟見水底有銅柱

故名銅柱灘灘最峻急一云馬援始鑄柱於此

銅柱之東有錦繡洲巴土盛以此洲人能織錦罽故

名

旱山上有雲卽雨故諺云牛頭戴旱山晦家中乾穀
莫相貸旁有石牛十二頭一云五頭蓋秦惠王所造
以鎮蜀者山下有石池水多蓴菜

巴嶺之南是古之巴國也

後魏宣武帝正始中城固縣移居壻鄉川

三嵎山上有三峯如覆鼎足也

斗山上下有石穴道家開山經云斗山凡五穴一通

崑崙山一通隴山一通武當山一通青城山一通長

漢魏書鈔

周地圖記

八

安穴穴中有千年蝦蟆名爲肉芝得而食之壽千歲
山側有白鹿時見焉卽此山也

後魏分漢中郡之褒中武二鄉縣立褒中郡

後魏宣武帝正始中分沔陽縣地置幡冢縣屬華陽
郡

三松山山有三峯並有長松因名長松山

紫陌坂一名龍如山其山兩頭高狀似龍形故以爲
山名樹多紫栢故華陽國志云梁泉縣東北八十里
有紫栢坂

父子崖有大小石若相懷抱因名爲父子崖其下置神祠歲終則集境內於此亭祭之水旱亦祈之

帖夷縣後魏廢帝元年置屬帖夷郡

後魏恭帝後二年置武郡於尙安縣

大象二年改梁大縣爲化城以縣南化城山爲名

小巴山之南卽古之巴國其嶺上多雲霧盛夏尤盛有積雪又有北水源出此山

上廉縣後移還上庸於平利川置吉陽縣後魏改爲吉安縣

有夫婦携子入山獵其父落崖妻子將藥救之並變爲三石人故名藥婦山今頂上有石曰父老云古仙學道於此而藥臼尙存

商洛郡領商豐縣屬洛州

南陽郡西山有五堆連延相接故號五壘山

初學記引此文

云五壘山有五梁漢延相接曰六門堰西三里雍湍召信臣所作也

鉗盧陂召信臣所鑿溉田三萬頃

後魏太和中置東荊州於比陽古城恭帝元年改爲淮州因淮水爲名

上馬縣本名石馬縣以縣南石馬爲名後訛爲上馬
後魏廢帝三年分房陵東境於今縣東六里置大洪
縣屬光遷國後周保定二年移於今理乃改爲永清
縣

五華山山嶺連屬北接郢州

夏水合瀘水全入漢自漢入瀘水爲七里汙

一統志
引此文

作七里汙
在沔陽北卽屈原逢漁父與言濯纓鼓枻而去是此
也

漢成帝和平五年分畧陽置清水郡尋廢至永安三

漢魏遺書鈔

周地圖二

十

年移於清水城

其城漢時所築也

青澗原與五澗水合流

枹罕卽故罕羗侯邑也

湟河郡後魏太平真君十六年置洮河郡屬鄯州

後魏景明三年置石城縣廢帝二年因縣內化隆谷

改爲化隆屬澆河郡

漢陰縣鳳凰山卽龍子山疊嶂有十二層

並寰
宇記

按隋志周地圖記一百九卷唐志周地圖百三十

卷俱不著撰人姓名惟羅莘路史注引作宇文護
造則周宗室上公也然亦別無考証故不入叙錄
今並鈔出初學記四條御覽十三條寰宇記六十
七條又史記正義引周地志一條

漢魏遺書
周地圖記

十一

叙錄

隋志顧野王輿地志三十卷

唐志同

南史本傳曰顧野王字希馮吳郡吳人也幼好學七歲讀五經畧知大指九歲能屬文嘗制日賦領軍朱異見而竒之十二隨父之建安撰建安地記二篇長而徧觀經史精記嘿識天文地理著龜占候蟲篆竒字無所不通爲太子率更令尋領大著作掌國史知梁史事後爲黃門侍郎光祿卿卒贈秘書監所撰玉篇前行于世

漢魏遺書鈔

輿地志序錄

隋經籍志曰齊時陸澄聚一百六十家之說依其前後遠近編而爲部謂之地理書任昉又增陸澄之書八十四家謂之地記陳時顧野王抄撰衆家之言作輿地志隋大業中普詔天下諸郡條其風俗物產地圖上于尙書故隋代有諸郡物產土俗記一百三十一卷區宇圖志一百二十九卷諸州圖經集一百卷其餘記注甚衆

按隋志顧氏此書實監省陸任二家書鈔集漢魏以來二百十家地理書大成宋初尙有傳本故

太平御覽及樂史寰宇記率多採摭而不著錄於
文獻通考則其時已無傳矣今並鈔出史記注二
十四條後漢書注四條文選注五條初學記二十
八條御覽六十五條寰宇記百九十一條元和郡
國志一條一統志十三條路史二條又岳陽風土
記一條閑窻括異錄一條

漢魏遺書鈔
輿地志序錄

顧野王輿地志

陽城張敦仁古腴參

金谿王 謨仁甫輯

周成王時周公作輔定官分職改禹九州以徐梁合之於青雍分冀州之域爲幽并二州大司徒之法五黨爲州職方氏掌天下之地辨九州之國保章氏掌天文以星土辨九州之地所封之國皆有分星以視吉凶秦始皇并天下分置三十六郡三川河東南陽南郡九江鄣郡會稽潁川碭郡泗水薛郡東郡琅琊

漢魏遺書鈔

輿地志

三

齊郡上谷漁陽右北平遼西遼東代郡鉅鹿邯鄲上黨太原雲中九原雁門上郡隴西北地漢中巴郡蜀郡黔中長沙凡三十五與內史爲三十六郡郡各領縣縣萬戶已上爲令減萬戶爲長平百越又置四郡閩中南海桂林象郡合四十郡郡置一守一丞兩尉以典之監侍御史掌監諸郡漢有天下王侯郡國並置焉迄於平帝戶口繁息凡新置郡國六十七與秦三十六合一百三改周雍州曰涼州復置夏之徐梁二州而改梁曰益北置朔方南有交阯別置二刺史

凡十三部涼益荆揚青豫兗徐幽并冀十一州交阯朔方二刺史合十三部刺史十三人各長一州

初學記

涿鹿本名彭城黃帝初都遷有熊

餘姚舜後支庶所封之地舜姚姓故云餘姚縣西七
十里有漢上虞故縣

零陵郡應陽縣東有山山有象廟

笄頭山卽雞頭山

以周地在王城東故曰東周敬王避子朝亂自洛邑東居此以其殖阨不受王都故壞翟泉而廣之

漢魏遺書鈔

輿地志

四

此小號文王母弟號叔所封故曰西號

秦立爲縣城臨淄水故曰臨淄

五嶺一曰臺嶺亦名塞上今名大庾二曰騎田三曰都龍四曰萌諸五曰越嶺

成周之地秦莊襄王以爲洛陽縣三川守理之後漢都洛陽改爲雒漢以火德忌水故去洛旁水而加佳佳於行次爲土土水之忌也水得土而流土得水而柔故除佳以加水

秦爲丹水縣

紫泥水在成州漢封詔璽用紫泥則此水之泥也
楚滅邾遷其人於江南因名縣

秦時已有南北宮

祊歸東有丹陽城周迴八里熊繹始封也

越侯傳國三十餘葉歷殷至周敬王時有越侯夫譚
子曰允常拓土始大稱王春秋貶爲子號爲於越杜
註云於發語聲也

交趾周時爲駱越秦時曰西甌文身斷髮避龍

平都縣在今新興郡陽周縣相近

漢魏遺書鈔

輿地志

五

鄒城西界闕里有尼丘山

宋共公自睢陽徙相子城又遷睢陽

蕭徐州縣古蕭叔國城也

南武城縣魯武城邑子游爲宰者在泰山郡

蒯城縣故陳倉縣故鄉聚名也周所封也晉武帝

咸寧四年分陳倉立蒯成縣屬始平郡

厭次宜是富平縣之鄉聚名也

並史記注

七里灘在東陽江下與嚴陵瀨相接有嚴山桐廬縣
南有嚴子陵漁釣處今山邊有石上平可坐十人臨

水名爲嚴陵釣臺

交趾其夷足大指開析兩足並立指則相交

並後漢書注

益州陽泉縣蜀分綿竹立

宋以鍾離置徐州齊以荊州爲北徐州

桐廬縣吳分富陽之桐廬溪也

自入湖三百三十里窮於松門東西四十里青松徧於兩岸

江南數郡有畜蠱者主人行之以殺人行食飲中人

不覺也其家絕滅者則飛游妄走中之則斃

並文選注

漢魏遺書鈔

輿地志

六

宋文帝時青州城南地遠望倒影如水謂之地鏡

晉咸和二年置高昌縣立田地縣

南兗州宋元嘉八年始割江都

爲境居於

廣陵

廣陵都楚漢之際爲東陽郡

楚名曰巢邑

安陸縣東有新城桓溫征石季龍所築南臨涓水

臨江數十里象山上有城吳江夏太守所居也

臺當孫陵曲衍之傍故蔣陵亭亦名孫陵亭

蔣子文爲秣陵尉常自言已將死當爲神後爲賊所殺故吏忽見子文乘白馬如平生孫權發使封子文

爲都中侯立廟鍾山因改爲蔣山寰宇記引此云蔣山古曰金陵山縣

之名因此立漢輿地圖名鍾山吳大帝時有蔣子文發神異於此封子文爲蔣侯故曰蔣山

松江東瀉海口名曰扈瀆扈業者濱海漁浦之名插

竹列於海中以繩編之向岸張兩翼潮上卽沒潮落

卽出魚隨潮礙竹不得去名之爲扈

海濱廣斥鹽田相望吳煮海爲鹽卽鹽官縣境也

洮湖卽長塘湖

漢魏書鈔 輿地志

歙縣靈山甚高峻有圓石高數丈上有石蓋

黟縣南有五硯二礮兩邊皆壇石中央有溝栽五尺

許水甚懸迅

黟縣東有靈山山有三峯各爲三姑山三年一遇野

火自燒百姓放火輒降雨不然

那城賀齊所創也

山陰南湖縈帶郊郭白水翠巖互相映發若鏡若圖

故王逸少云山陰道上行如在鏡中遊

樓石山三石並高百丈抄如劍鋒

豫章西山時有夜光遠望如火氣此爲銅之精光也
豐城縣獄後有雷孔章掘神劍窟方七八丈

歸美山有石城高數丈有二石夾左右石形似松儼
如雙闕

夏口江中有鸚鵡州

橘洲在郡南對南津常看如下及至夏水懷山渚洲
皆沒橘洲獨在

臨武縣山有熱石置物其上立焦

馬嶺山有仙人蘓耽壇耽至孝一朝忽辭母曰受生

漢魏書

輿地志

八

應仙當違供養涕泗嗚咽百姓立壇祠之

龍谿謂之盤龍蛇青黑色赤帶錦文隨瀆漢水而入
於海有毒傷人輒死

從餘姚至海三百里過溫麻江有一江名靈江

廣信縣之壽鄉有孤崑崑有珽石石皆五色

後漢周敞爲交阯刺史伐龍山木以爲鼓以下分鼓
給桂林郡上分鼓給交阯郡擊一鼓則二鼓皆鳴

並初

學記

太湖東小山名洞庭絕石礧巖木唯松柏山有三穴

東頭北面一穴不容人西頭北面一穴亦然並有青
泉流出西北一穴偃僂終得如穴外石盤礪形勢驚
人穴裏如間堂屋上高丈餘恒津潤四壁石色青色
南壁開處側肩得如潛行二道北通琅琊東通武
縣西通長沙巴陵湖吳大帝使大夫行三十餘里而
返云上聞有浪聲有大蝙蝠如鳥拂殺人大穴中高
處火照不見穴有鵝管鍾乳水寒可得入春夏不可
入

蔣山舊名金陵山因此山立名金陵

漢魏遺書鈔 輿地志

九

九峰山山高一千丈

牛渚山首有人潛行云此處連洞庭旁通無底見有
金牛狀異爲精怪而出牛渚山此謂之採石按今對
採石渡口上有謝將軍祠

靈山高峻有圓石高數丈上有石蓋

俗傳黃鶴樓

寰宇記引
作萬歲樓

飛向江外以鐵鎖縻之方已

華山上有石鼓晉隆安中鳴乃有孫恩之亂山在縣
西六十三里

山上有兩湖如左右目故名天目也山極高峻上多

美石泉水名茶

金華山連亘三百餘里

東陽畢嶺之下有錢嶺往往人於嶺下獲大錢今俗謂之錢嶺

奉新縣西有石臨水高三十丈有書字為印山此卽是也

江水入富池一百八十里得奉新上流三百里有城山三面壁立一面峻極水是奉新大源本名石城山贛縣黃堂山有石室數千間

漢魏遺書鈔

輿地志

十

八尺如數十間屋上通天窻下有方場有二十一作石人巾櫛

而坐傍有小石室七所相通適一作悉有石人室前時

有車馬跡春夏草不生無諸毒蟲林木繁茂水石幽

絕蓋靈仙窟宅也山下居人每丙日輒聞石室有籟

鼓簫樂之音

儲潭咸和二年刺史朱偉所立常有漁者釣於此潭

得金鎖索引舟中長數百丈忽一物隨鎖而來其形

如水牛眼赤角白及見人驚駭拽走而漁以刀斷得

數尺不知其所由然也

虔州上洛山多木客乃鬼類也形似人語亦如人遙見分明近則藏隱能斫杉枋聚於高峻之上與人交而帝以木易人刀斧交關者前置木枋下却走避之木客尋來取物下枋與人隨物多少甚信直而不欺有死者亦哭泣殯葬嘗有山人行遇其葬日出酒食以設人山中有石墨可書

會稽秦望山始皇刻石前有石廣數丈云是始皇坐之石兩邊有坐方八所云是丞相已下坐石故今有丞相石之名

漢魏遺書鈔

輿地志

十一

南陵縣有女觀山俗傳云昔有婦人夫官於蜀屢愆秋期憂思感傷登此盼望因化爲石如人之形所牽狗亦爲石今狗形獨存

贊皇縣有孔子嶺上有石室寬博其石相拒若楹柱有石人象執卷之狀

秦始皇巡會稽鑿斷山阜此淮卽所鑿也故名秦淮孫盛晉春秋亦云是秦所鑿王導令郭璞筮卽此淮也又稱未至方山有直瀆行三十許里以地形論之淮發源詰屈不類人工則始皇握宜此瀆也

風故以名焉王濬伐吳宿於此簡文爲相時會桓元

之所也寰宇記引作會稽王昱會桓温於此亦曰栗洲洲上有山山形

似栗伏滔北征賦謂之烈洲路史餘論引此云烈山吳之舊津內有小永商

客停舟以避烈風而名亦曰栗洲非古之烈山也

吳時客館在蔡洲上以舍遠使蘓峻作逆陶侃等率

所統同赴京師直指石頭次於蔡洲是也

張公洲在縣西南

和子洲在縣西南

梓澤在王城西北三十里與金谷相近

漢魏遺書鈔輿地志

三

新蔡縣平侯自上蔡徙都之故曰新蔡

石紐地名夏禹所生之地

晉永嘉之末太守王鑿以地降李雄晉人因是悉流

移於蜀漢其氏羗並屬楊茂榷化後不復爲正朔所

頒

梁大通三年於此置渠州

晉宋以義陽流入在南郡者立爲南義陽郡寄荊州

梁昭明太子以其水出魚美故言其水爲貴池

梁大同二年置石埭因貴池源有兩小石埭堰溪水

遂以爲名

曲阿縣屬東南徐之境秦使官吏因東南有王氣在

雲陽故鑿北岡截直道使曲以壓其氣故曰曲阿寰宇

記引此文云曲阿縣雲陽地屬朱方南徐之境秦有

史官奏東南有王氣在雲陽故鑿北岡截其道以壓其氣

晉陵縣春秋時延陵也季札讓位耕於此因以封之

漢改爲毗陵東海王越世子名毗中宗爲越所表遣

渡江故改此爲晉陵

丹徒界內土堅緊如蠟諺云生東吳死丹徒言吳多

漢魏遺書鈔

輿地志

古

產出可以攝生自奉養丹徒地可以葬

吳越之間謂荆爲楚秦以■楚改爲陽羨其地本名

小震居在荆溪之北故云陽羨

吳大帝以陸遜爲華亭侯以其所居爲封也華亭谷

出佳魚蓴菜故陸機云千里蓴羹未下鹽豉寰宇記

吳大帝以漢建安中封陸遜爲華亭侯卽以其所居

爲封谷出嘉魚蓴菜又多白鶴清唳故陸機嘆云華亭鶴唳不可復聞

順帝時陽羨人周嘉上書請分浙江巴西爲吳郡東

爲會稽郡

邑人以其海中物產於山下鄧村因名鄧縣

永嘉郡本會稽東部地晉明帝大寧元年分臨海等縣立永嘉郡

松陽縣本章安南鄉漢宋建時立爲縣

後漢獻帝初平三年分太平

寰宇記作大末

縣立新安縣晉

大康元年以宏農有新安改名爲信安

大茂秦漢爲大末縣今龍邱乃春秋東陽大末縣是也

丹陽郡建康縣文德殿梁武帝移張衡渾天儀置北

漢魏遺書鈔

輿地志

五

殿

建康縣臺城華光殿梁武帝大通中施與草堂寺人洗取諸貨直百萬以其地起重閣九間

建康縣臺城寶雲殿梁武帝以施佛寺

建康縣臺城惠輪殿梁武帝亦供養佛

建康縣臺城齊文惠太子治元圃有明月觀婉轉橋

徘徊廊園內作淨舍

秣陵縣新亭隴有遠望樓又名勞勞樓宋改爲臨滄觀行人分別之所

吉龜云凶八百年墮水中謝靈運取甕至京師諸貴傳觀之

漢時王朗爲會稽太守子肅隨在郡任東齋中夜有女從地出稱越王女與肅語曉別贈一丸墨肅方注周易因此才思開悟

齊武帝起層城觀七月七夕宮人多登之穿針世謂之穿針樓

並御覽

倉垣城南臨汴水西北有倉頡墳城有列仙臺

洛陽城外有陽渠水卽周公所置池上源注函谷東

漢魏遺書鈔

輿地志

七

流注城西北角仍分流繞城至建春門外合流折東流注於池

垣縣邵康公之邑春秋注云邵康公周大保召公奭也

夷門之下新里之東浚水之北象而儀之以爲邑名汴水自滎陽受睢水東至陳留彭城南入泗水經縣界入雍邱界

漢高祖使樊噲下圍城爲縣屬宋州今故城存酸棗縣西有韓王望氣臺

金水始自大白原東南經金谷卽此原也

籠水古名孝水齊有孝婦顏文姜事姑孝養遠道取水不以寒暑易心感得靈泉生於室內文姜常以絹籠蓋之姑怪其須水卽得非意相供姜不在私入姜室去籠觀之水卽噴湧壞其居宅故俗亦呼爲籠水
緱氏因山以名縣漢屬河南莽曰中亭至宋獨屬河南
山桑漢舊縣屬沛光武封王常爲山桑侯今城內有亭墓陵阜高峻

魏以鄆縣屬譙郡漢封蕭何爲鄆侯

徐州郡城由來非攻所能拔言其險固也

垞城古崇國兗州人謂實城中曰垞城西南有崇侯虎廟

季札初使魯比過徐徐君好其劍不敢言季子心知之爲使上國未還及還徐君已死解劍懸於墓從者曰尙誰與乎季子曰吾心許之豈以死背吾心哉

漢盱眙屬下邳晉初又屬臨淮郡晉義熙中又置盱眙郡宋文帝時後魏南侵臧質守盱眙魏師以數十

萬眾攻圍三旬不拔而退

陵縣

虹縣堯封夏禹爲夏伯邑於此卽天子位徙都陽翟

漢爲夏邛縣屬沛國

魏武帝至龍亢士卒多叛

反踪城魏明帝景初三年以遼東新沓縣吏民渡海
來去還於此地置新沓縣以居之屬齊郡

齊城西南百五十里有長白山陳仲子夫妻所隱處

華不注山一名金輿山

漢魏遺書鈔

輿地志

九

宋秦始皇三年失舊沂州至五年於朐山東北僞置沂
州至秦豫元年移朐縣就沂州後周建德六年改沂
州爲朐州

漢舊朐縣今海州是也宋秦豫元年移朐山縣於廢

沂州

晉惠帝元康八年復立昌陽縣屬長廣郡

金氏陂在下邳縣東二十里漢昭帝時車騎將軍金
日蟬有功賜其地

陽平之莘有衛宣公二子爭死處今有祠存

盧奴城北臨澠水南面派河杜預謂管仲城是也
南皮有迎河分漳河入浮水

毛河漳水合分從毛州來又呼爲棣州河

浮陽城南有大連淀魏延興二年淀水溢注破作清
邨因以爲池池內時有鮒魚言與海潛通

漢宣帝封河間獻王子雍爲景城侯五子分居城中
俗呼爲五壘城

木門古城中有大樹因名木門

馬馬河亦馬頰也爾雅九河言馬頰上濶下狹狀如
馬頰也

漢魏道書鈔

輿地志

三

滹沱河在今河間縣西二十里

鄭縣有韓嬰冢韓嬰燕人漢爲常山大傳作詩內外
傳

易縣加夷城有坑濶三丈深五丈俗呼爲滕子窟

清苑縣樊輿城西南隅有聖女祠女姓薛字義姜鉅
鹿人嫁與樊輿王文妻死於此城之隅就而祭之俗
名祭隅城漢元帝初元三年有天淵玉女鉅鹿仙人
者是也

老子祠卽老子所生舊宅老子者道君也三皇之始
乘白鹿下託於李母鍊體易形復命胞中七十二年
生於楚國李母星名也在斗魁中老子星精也爲人
黃色美目面有壽徵黃額廣耳大目疎齒方口厚唇
額有三五達理日角月角鼻有雙柱耳有三漏足蹈
二五手把十文十二聖師各有三法凡三十六法
夫齊東有卽墨之饒南有泰山之固懸隔千里齊得
十二焉此得東秦之地

古汝陽城漢舊縣王莽改曰汝亭

漢魏遺書鈔

輿地志

三

向水南至海夜頭向水之異名

鴨陵楚之邊邑平王封太子建之子勝白公因居焉
壺關有雞鳴嶺

漢末北地郡但有泥陽富平二縣魏晉亦然晉愍帝
時陷入劉聰郡縣之名所不詳悉

晉人流寓於蜀者仍於益州立陰平郡

後漢安帝置益州廣漢嘉州是爲三蜀嘉州見在川
中故名蜀川

鄧艾廟南有牛卽秦惠王遺蜀王者

石門在褒中之北漢中之西今按其山兩邊有石壁相對望之如門鄧艾伐蜀至此

北固山天景清明登之望見廣陵城如在青霄中相去鳥道五十餘里

吳自有延陵州來此先已封季子非楚王來邑也

曲阿出名酒皆云後湖水所釀故醇冽今按湖水上承丹徒高驪覆船山馬林溪水水色白味甘

金壇縣秦漢屬會稽郡後漢屬吳郡晉元帝時屬毗陵郡宋齊梁陳皆爲延陵之南界

漢魏遺書鈔

輿地志

三

晉故臺城卽成帝時蘇峻作亂焚燒宮室都盡溫嶠以下咸議遷都惟王導固爭不許咸和六年使卞彬營治七年遷於新都議者或患未築雙闕後王導出

宣陽門南望牛頭山指山鑿兩峯相對東西各四十

里導曰此卽天闕也

又引志云牛頭山有兩峯時人號爲牛頭山晉氏過江將立雙

闕王導出宣陽門南望牛頭山兩峯曰此卽天闕是也

慈姥山南有慈姥神廟焉

三山積石濱於大江有三峯南北接故曰三山舊吳爲津所

白都山昔有白仲都於此山學道白日飛昇因以爲名西臨大江孫峻追諸葛恪子竦於此

梅嶺岡在國門之東晉豫章太守梅賾家於岡下故民名之

婁湖婁侯張昭飲名之宋以爲苑

長命洲梁武帝遣人放生於此洲仍置十戶在洲中掌穀粟以飼之故呼爲長命洲魏使李恕來朝帝正放生問使曰北主頗知此乎恕對曰本國不取亦不放帝無以應之

漢魏遺書鈔

輿地志

三

晉永嘉中帝初通江南以江外無事寧靜於此因置江寧縣南門臨浦水至今呼江寧
雞籠山狀如雞籠以此爲名晉元帝等五陵並在山之陽

湖孰西北有方山頂方正上有池水齊武帝於方山築苑吳大帝爲仙者葛元立觀焉

江乘縣西北有扈謙所居宅村側有攝山山多藥草可以攝生故以名之

清溪水源北出於鍾山舊經巴南九里入於淮溪口

其埭側有清溪祠其溪因祠爲名又云按水爲言故名清溪

元武湖在上元縣西北七里齊武帝理水軍於此池中號曰昆明池故沈約登覆舟山詩云南瞻儲胥館北眺昆明池卽此其湖通後苑又於湖側作大寶引湖水入宮城內天泉池中經歷宮殿溯流迴轉不舍晝夜宋元嘉末有黑龍見湖內故改爲元武湖也

梁天監十三年以朱雀門東北淮水紆曲數有患又舟行旋衝太廟灣乃直通之中爲舟子洲四方諸郡

漢魏遺書鈔

輿地志

十四

秀士上計憩止於此

丹陽郡本吳地楚漢之際江淮之間溧陽以北皆屬荆王賈英布吳王濞江都王並有其地元封二年以爲丹陽郡領宛陵於潛注乘壽春秣陵故鄣句容涇石城湖孰陵陽蕪湖黟溧陽宣城歙丹陽凡一十七縣理於宛陵

晉安帝義熙十年築東府城西本簡帝爲會稽王時第其東則丞相會稽文孝王道子府謝安石薨以道子代領揚州第在州東故時人號爲東府而號府廡